

Status guru agama tiada tauliah

APAKAH hukumnya jika memberi bantuan kepada sekolah agama di mana pihak jabatan agama menyatakan guru sekolah agama itu tidak bertauliah?

MEMBERI bantuan kepada sekolah agama termasuk dalam amalan mulia. Ia adalah sedekah dan wakaf, maka amalan ini wajar diteruskan.

Namun begitu, wujud sedikit masalah apabila guru agama sekolah terbabit tidak mempunyai tauliah. Dalam hal ini, tauliah dari pihak jabatan agama adalah penting.


Bagaimanapun, perkara yang lebih penting ialah ilmu guru agama tersebut. Jika guru agama itu mempunyai ilmu dengan melihat perjalanan beliau belajar, boleh membaca dan menghuraikan kitab jawi dan kitab Arab, diperakui ilmunya oleh ramai ustaz dan ulama, maka sebenarnya guru agama itu memang berilmu. Cuma sekadar tidak mendapat tauliah.

Maka urusan tauliah hendaklah diuruskan selepas itu. Jika guru agama itu membawa ajaran sesat, maka hendaklah diwartakan bahawa ia membawa ajaran sesat dan

Soaljawab agama

Bersama DR. MOHAMMAD NIDZAM ABDUL KADIR AL-JARUMI

Pensyarah di Fakulti Ekologi Manusia, Universiti Putra Malaysia dan pendakwah bebas. Kemusykilan boleh diajukan ke nidium@yahoo.com



menyeleweng agar masyarakat berwaspada. Jika tiada tauliah, maka pihak jabatan agama boleh menguruskan pemberian tauliah dengan sebaiknya.

Ada masanya tauliah tidak diberikan kerana tidak dipohon. Ada masanya kerana penyampaian ilmu yang agak

tinggi dan tidak sesuai dengan masyarakat awam, bukan kerana kesesatan si guru agama.

Apa yang penting, kita mengharapkan hubungan harmoni antara pihak berkuasa agama dengan para pendakwah di mana wujud sikap bantu-membantu antara dua pihak.